

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 713 del 20/03/2026

Zait sin atz 19 von abrèl. “Redjongen starch. An Euròpa starch. Pittnàndar” Dar spruch 2026

Euregio: Prais vor djunge nàsüachar un Prais vor di vornaügarung, offe di kandidatùrn vorz djar 2026

[Cimbro] 'Z izta zait sin atz 19 von abrèl boda khint innzoscraibase afte Prais Euregio 2026 “Djunge Nàsüachar” un “Vornaügarung” augehaltet vodar Wirtschaftskammer Tirol un von Bichtschaftkhämmarn vo Poatzan un Tria, zuargètt pittnàndar pinn Euregio Tiról-Südtról-Trentino. Dar spruch vo haür iz “Redjongen starch. An Euròpa starch. Pittnàndar!”. 'Z zil steat daz sèll vo hèrta, vürvüarn di nàsüach un di vornaügarung in alle drai di Lentar un asó helvan zo macha krescharn in Euredjo azpe ekonòmik setz. Vor da earst bòtta, haür, khemmenda vorgelekk zboa kategorian vor aniaglan prais.

Di djurian, hoach geschètzt, bartn zornìrn, zbisnen in kandidatùrn inngètt, di drai finalistn vor aniaglana kategorì, boda bartn hãm okasiong zo zoaga soi arbat in di tang von Euregio Days, bodase bartn haltn an sàntzta atz 29 von snitt 2026, antànto in Européan Forum vo Alpbach in Tiról. In sèll abas bartnda khemmen gètt di Prais in gebinnar.

Prais Djunge Nàsüachar

'Z mangse innschraim in Prais Euregio Djunge Nàsüachar, nàsüachar un nàsüacharen untar di 35 djar, lai azza hãm vürgevüart soi arbat in an nàsüachar Institut von Euregio odor azza khemmen von Euregio, siànka azza hãm gearbatet in an nàsüachar zentrum in aniaglan platz vodar bèlt.

Di arbatn, nidargeschribet atz inglés, mang khemmen kandidàrt in di kategorian “ekonomike, sotzialege, rèchtliche bizzschaft, edukatziong bizzschaft un mentschliche bizzschaft” un “tèknesche bizzschaft, naturàl bizzschaft un Heilkunde (medicina)”. Di prais vor di earstn drai bartn soin: 4.500 euro vor in earst, 2.000 vor in zboate un 1.000 vor in draite.

Bia un baz un in formulàr innzoschraibase venntmase afte sait von prodjèkt:

www.euregio.info/it/youngresearcher/.

Zo haba mearare informatzionggen makma vorsan dar referénnten von prodjèkt Euregio Martina Senoner (tel.: +43 512 508 2358, e-mail: martina.senoner@euregio.info).

Prais Vornaügarung von Euregio

Pinn Prais Vornaügarung von Euregio, di frmen, boda zuarkhemmen von gantz Euregio, boda hãm auzgevuntet naüge sachandarn, teknolodjìan un dienst mangse kandidàrn in di naüing kategorian “Kontzèpte/Protòtipe” un “Business Mustarn/Vestege Produkte”, zoagante soine sachandarn odor idee.

Di prais vor di earstn drai vor aniaglana kategorì bartn soin: 9.000 euro vor in earst, 2.000 vor in zboate un 1.000 vor in draite. Dar earst prais haltet inn an earstn toal pitt gèlt (in gantz 4.500 euro) un vor in àndar halbe toal, dienst zo machase khennen gètt von adjentzìan marketing von ünsarn lentar.

Bia un baz un in formulàr innzoschraibase venntmase afte sait von prodjèkt: www.euregio.info/innovazione/

.
Zo haba mearare informatziongen makma vorsan dar referènten von prodjèkt Euregio Silvia Ramoser (tel.: +43 512 508 2352, e-mail: silvia.ramoser@euregio.info).

Übersetzt von Schaltarle vor di zung von Toalkamou vodar Zimbar Hoachebene

(cdt)